

Mawlana Shaykh Muhammad Adil ar-Rabbani

QUR'ĀN BA-HIFAZAT HAIN

As-Salāmu 'Alaykum wa RaḥmatuLlāhi wa Barakātuh.
A'ūdhu BiLlāhi Minash-shayṭāni r-rajīm. BismiLlāhi r-Raḥmāni r-Raḥīm.
Wa ṣ-Salātu wa s-Salāmu 'alā Rasūlinā Muḥammadin Sayyidi l-Anwālina wa l-Akhirin.
Madad yā RasūlAllāh, Madad yā Sādāti Aṣḥābi RasūlilLāh, Madad yā Mashāyikhinā,
Dastūr Mawlana Sheikh Abdullāh al-Fā'iz ad-Dāghistāni, Sheikh Muḥammad Nāẓim
al-Ḥaqqāni. Madad. Tarīqatunā aṣ-Suḥbah wa l-Khayru fi l-Jam'iyah.

Bismi Llāhi r-Raḥmāni r-Raḥīm.

إِنَّا نَحْنُ نَزَّلْنَا الذِّكْرَ وَإِنَّا لَهُ لَحَافِظُونَ

'Innā nahnu nazzalnā dh-dhikra wa-innā lahu la-ḥāfīzūn', 'Beshak, Hum hi ne Qur'an nazil kiya hai aur beshak, Hum hi uski hifazat karne wale hain.' (Qur'an 15:09). Ṣadaqa Llāhu l-'Aẓīm. Allāh 'Azza wa-Jalla farmata hain: "Hum ne Qur'an 'Aẓīmu sh-Sha'n aur tamaam deeni faraiz nazil kiye hain. Hum unki hifazat karenge. Hum unki hifazat kar rahe hain." Allāh 'Azza wa-Jalla ka kalaam haqq hai. Koi isey badal nahi sakta; koi isey mansookh nahi kar sakta. Yeh apne waqt per hoga. Qayamat ke din ki nishaniyon mein se ek nishani yeh hai ke aakhri-zamaane mein Qur'an 'Aẓīmu sh-Sha'n ko mita diya jayega. Uska wajood baqi nahi rahega. Yeh un logon ke zehen se mita diya jayega jinhone isey hifz kiya hai (Hāfīz); yeh unke zehen mein baqi nahi rahega. Yeh aakhri-zamaane mein hoga, Roz-e-Qayamat se kuch waqt pehle. Usse pehle, chaahe koi kuch bhi kare, woh Qur'an yaa deen ko badal nahi sakte.

Ab, bahot se bewaqoof log hain. Bahot se aise log hain jo shaitaan ki pairwi karte hain, jo shaitaan ke hukm ki itaat karte hain, jo Allāh 'Azza wa-Jalla, ke dushman hain, Anbiya ke dushman hain, Islam ke dushman hain. Haqeeqat mein, pehle hi din se, jis din se Allāh ﷻ ne Adam 'alayhi s-salam ko paida kiya, shaitaan ek dushman raha hai. Aur uske saath bahot se dushman hain. Woh apna sara waqt iss deen ko tabaah karne ki koshish mein guzaarte hain. Bahot se shaitaan hain jo humaare Paak Rasool ṣallā Llāhu 'alayhi wa-sallam ke laaye hue tareeqe ko hataane ki koshish karte hain. Bahot se isey badalne ki koshish karte hain yeh kehte huye, "Yeh deen ab naye daur ke hisaab se nahi

Mawlana Shaykh Muhammad Adil ar-Rabbani

raha, yeh aayat ab lagu hoti hai, woh (aayat) ab nahi lagu hoti,” Un sab ke muqaddar mein nakaami hain. Woh kabhi bhi kamyab nahi honge.

Jaisa ke hum ne kaha, jab Allāh ﷻ chaahega, aakhri-zamaane mein, Woh ﷻ Qur’ān ko hataa dega, aur phir roz-e-Qayamat kaafiron par guzregi. Warna, chaahe woh kitni bhi koshish karle, chaahe woh kitna bhi fasaad phailaayein, woh kabhi bhi kamyab nahi honge. Allāh ﷻ hifazat karta hai. Deen Allāh ﷻ ka hai, yeh Allāh ‘Azza wa-Jalla ka deen hai. Koi bhi aqalmand shaks Allāh ﷻ se dushmani nahi karega. Unke paas koi quwwat nahi hai. Insaan Allāh ‘Azza wa-Jalla ke muqable mein chinti ki bhi quwwat nahi rakh sakta. Ek pissu ke barbar bhi nahi.

Shukr hain Allāh ﷻ ka, deen ba-hifazat hai. Koi kuch bhi nahi kar sakta. Agar koi aise log hain jo unki pairwi karte hain, jo apni aql kho baithe hai, Allāh ﷻ unhein hidaayat ataa farmaye aur unhein hosh mein laye. Woh tauba karle aur maafi maangein un cheeze ke liye jo unhone apni soch ki wajah se ki hain taake Allāh ﷻ un par rehem kare aur unhein hifazat ataa farmaye. Warna, bahot se bewaqoof log hain jo shaitaan ke dhoke mein aa chuke hain. Aur kuch aise log hain jo raasta dikhate hain. Hum sirf yehi keh sakte hain, Allāh ﷻ unhein woh ataa karein jis ke woh haqdaar hain; aur kuch nahi. Allāh ﷻ humein unke sharr se mehfooz rakhe. Yehi sabse bada sharr hai, kisi ke imaan ke saath khelna, logon ko gumraah karna. Yehi wohi kaam hai jo shaitaan karta hai. Aise log hain jo uski pairwi karte hain, jo dunyawī faide ke liye aise kaam karte hain. Allāh ﷻ unko hidaayat ataa farmaye, ya Allāh ﷻ unhein woh de de jiske woh haqdaar hain, hum aur kuch nahi keh sakte. Allāh ﷻ Islam, Musalmaanon aur humaare imaan ki hifazat ataa farmaye, in shā’a Llāh.

Wa min Allāhi t-Tawfīq. Al-Fātiḥa.

Mawlana Sheikh Muhammad Adil ar-Rabbani
12 July 2026/ 27 Muharram 1448
Fajr Nmaaaz— Akbaba Dergah, Istanbul